

SAUNIGA O LE FA'AMANUIA
KOLISI FA'A-FAIFEAU
MALUA



Aso To'ona'i, 30 Novema 2024
9:00 i le Taeao

O Le Fale Iupeli
MALUA

Ta'ita'i: Asotasi Gu Time (FT - Taitaifono Komiti o Malua)

(1) Logo Amata: Solo

(Alaala pea i lalo le faapotopotoga a'o ulufale le solo)

* A'oa'o & Faletua

* Faiaoga

(2) Pese - Malua e, Tula'i ia

(i) Tumua le faafetai
I le Atua na ia tautai
Ou faiva taumafai
Ua saogalemu ai
Atuvasa o fita
Ua mavae pei o se ata
Aleluia alaga fiafia
I le pogai o lea manuia.

(ii) Malo le tauata'i
Onosa'i ma taupati
Lenei ua tuta lou sa
Sau laia tuu mai lou lima
Lenei paia lasilasi
Ua futiafu e tasi
Matua, aiga ma uo
Mua ia ma faasao.

(iii) Le Ekalesia e,
O oe le auga faapae,
Lenei faamoemoe
Tikeri loa ia faafoe
Ua tali mai le lagi
Au tatalo ma faasagi
Ta faafetai ma talisapai
Le alofa o le Matai.

Tali:
Malua e, tula'i ia
Gasolo maia se'i patipatia
Le aso sa taupo ma talosia
Ua tini i le manuia
Le tao ua tu i le niusina
Le lupe ua tu lima
Le aso nei
O le viiga

(3) Vala'au Tapua'i & Tatalo Amata: Ta'ita'i

(4) Pese 92

(i) Faafetai i le Atua
Le na tatou tupu ai,
Ina ua na alofa fua
Ia te i tatou uma nei
Ia pepese, Aleluia, faafetai

(iii) Faafetai i le Agaga
Le fesoasoani mai
E manuia ai talosaga
Atoa uma mea e fai
Ia pepese
Aleluia, faafetai

(ii) Faafetai i lona Alo
Le na afio mai luga,
Le ua fai ma faapaolo
Ai le puapuaga
Ia pepese, Aleluia, faafetai

(5) Tusi Paia: Pati Vili (FT)

(6) Ripoti Faa-le-Tausaga— Prof. Vaitusi Nofoaiga FS (Pule o le Kolisi)

(7) Pese 114

- | | |
|---|--|
| (i) Agaga Sā e, afio mai,
Ma e galue ai;
Matou te talotalo nei,
Ia e afio mai. | (iii) Ia e faatupu mea fou,
Tinei ia mea tuai.
Ia faamamaina ai i matou,
Ia e afio mai. |
| (ii) Agaga Sā e ua na o oe
E togafiti ai
O matou loto masesei,
Ia e afio mai. | (iv) Le maliu lava o Iesu
Le malue e ola ai,
Ia e alofa ai ia I matou,
Ia e afio mai. |

**(8) Taua'aoina o Tusi Pasi: Prof. Vaitusi Nofoaiga FS (Pule o le Kolisi)
Dr Arthur Wulf FS (Pule Lua o le Kolisi)**

(9) Pule Lua: “*Lau Susuga i le Ta'ita'i o le sauniga; o le Aufaigaluega ma Faletua nei, na tuuina mai e le Au Toeaina ma le Ekalesia, i le Susuga i le Alii Pule ma Faiaoga, e a'otauina mo le galuega a le Atua, ma ua fa'ai'uina i le manuia o latou taumafai i le asō.*”

Ta'ita'i: “*Ia fa'afetaia le Atua ona o le galuega tele sa fitaituga ai Lau Susuga i le Alii Pule ma Faiaoga o le Kolisi i Malua.*

- ♦ *Diploma of Theology*
- ♦ *Bachelor of Theology*
- ♦ *Bachelor of Divinity with Honours*
- ♦ *Master of Theology*

(10) Tatalo mo A'oa'o ma o latou Faletua ua fa'au'uina: Amuia Seuala (FT -Failautusi Komiti o Malua)

(11) Saunoaga: Afasene Falanai
(Peresetene Mafutaga A'oa'o & Faletua, 2024)

(12) Tatalo: Makerusa Poretesano (FT)

(13) Pese 261

- | | | | |
|------|---|-------|--|
| (i) | Ia ili ia le pu,
Ia leo tele ia
Le Tala ia Iesu,
Ia laulau atu ai,
Ua sau le tau e faafetai,
Le tau e malolo uma ai. | (iii) | O e le manana'o
Le ola faavavau,
Ma e ua augata,
Ia latou mafaufau
Ua sau le tau e faafetai,
Le tau e malolo uma ai. |
| (ii) | Le toto e ola ai,
Le togiola mo'i
Ina talai i ai,
Ia folafola foi
Ua sau le tau e faafetai,
Le tau e malolo uma ai. | (iv) | Ina faalogo mai
Ua ili mai le pu;
Le tele e ola ai
Le tala ia Iesu.
Ua sau le tau e faafetai,
Le tau e malolo uma ai. |

(14) Lauga: Asotasi Gu Time (FT—Taitaifono Komiti o Malua)

(15) Pese 322

- | | | | |
|------|--|-------|--|
| (i) | Le leoleo sili,
Ia silasila mai
I lau Ekalesia
Ua potopoto nei.
Ua e matua alofa,
Ua matou penei ai,
Sa matou agasala
Na e saili mai. | (iii) | Ia e faatumauina
Lo matou taumafai;
Ia matou malolosi
Ma tutumau uma ai,
Ia na o lau afio
E nau i ai,
Ma faia pea amio
E tonu ia te oe. |
| (ii) | Na fai lou lava toto
Ma tau e taulia ai,
Lau nei Ekalesia
Ia fai i matou mo oe;
Ia gata ai agasala,
Ma matou 'alo ai,
A e faia mea uma,
E tusa ona fai. | | |

(16) Tatalo Fa'amanua

(17) Pese: GAUDEAMUS

(Alala pea i lalo le faapotopotoga a'o ulufafo le solo)

- (i) Gaudeamus igitur-juvenes dum sumus
Gaudeamus igitur-juvenes dum sumus
Post jucundam juventutem-Post molestam senectutem
Nos Habebit humus-nos habebit humus
- (ii) Tatou faipesega nei-Meamanu o taulelea
Tatou faipesega nei-Meamanu o taulelea
A mavae le talavou -O'o ina tagata matua
Tatou te i'u uma - lava i le palapala
- (iii) Vivat Academia-vivant professores!
Vivat Academia-vivant professores!
Vivat membrum quodlibet-vivant membra quaelibet
Semper sint in flore!-Semper sint in flore!
- (iv) Ia tumau le Kolisi-Ola foi ona faiaoga
Ia tumau le Kolisi-Ola foi ona faiaoga
Ia soifua soo se sui-Atoa uma le saofaiga
Ia totogo pea manu i ou pa-i aso uma lava Malua



*E valaau ma le faaaloalo atu i le paia o le Au Faigaluega, le mamalu o
le Au Valaaulia faapea aiga ma uo, ia tatou auai faatasi i le
Fale Senetenari mo se taumafataga ua saunia, pe a maea lenei
sauniga.*

SOIFUA MA IA MANUIA

*“Ia fa’amanuia le Atua i o outou faiva ma tiute o lo’o
punonou ai mo le Alii”*

